

## تفسير سورة سباء (4) | الآيات (42-33) | د. أحمد عبد المنعم

أحمد عبد المنعم

السلام عليكم ورحمة الله وبركاته. الحمد لله وحده والصلوة والسلام على من لا نبي بعده. محمد صلى الله عليه وسلم، نستكمل باذن الله عز وجل تفسير سورة كنا توقفنا عند قول الله عز وجل قل من يرزقكم من السماوات والارض قل الله وانا او اياكم - 00:00:00  
على هدى او في ضلال مبين. عشان نتخيل تاني كده سياق السورة وما نتوهش. السورة بدأت بآية الحمد لله الذي له ما في السموات ان الله عز وجل يملك كل شيء. يبقى السورة بدأت ان الملك باید ربنا سبحانه وتعالى. الآية الثانية ان الله عز وجل يعلم ما في السماوات وما في الارض - 00:00:25

اي حاجة ما يعلمه ما يرجو في الارض وما يخرج منها وما تنزل وما ينزل من السماء وما يعرض فيها. يبقى بدأت السورة الملك التام والعلم التام سبحانه وتعالى. يبقى الملك التام والعلم التام. ثم ذكر الله عز وجل ان في يوم قيامة هيأني هيحاسب كل شخص - 00:00:45

على كل ذرة فعلها. ثم اخبر الله عز وجل ان في فريقيان من الناس. فريق سعوا في آياتنا معاجزين. يعني ايه يعني فريق حاول يحارب دين ربنا سبحانه وتعالى سعوا في آياتنا معدبين كنا قلنا سعوا يعني بذلوا اقصى ما عندهم من طاقات - 00:01:05  
امكانيات. في آياتنا اي لحرب الآيات وخاصة القرآن. معاجزين يريدون ان يظهروا ان القرآن عاجز عايزين يقولوا للناس ان القرآن عارف. وفريق من الناس عكس بقى الفريق ده بيذعن الى دين الله عز وجل. ويعلم الذين - 00:01:25  
وليعلم ان ربنا سبحانه وتعالى قال في اول السورة والذي انزل اليك من ربك هو الحق ويرى الذين اوتوا العلم الذي انزل اليك من ربك هو الحق مش بس يرى الذين اوتوا العلم الذي انزل اليك من ربك هو الحق. مش بس شايفينه حق. ده كمان شايفينه بيهدى. يعني يرون ان القرآن حق وانه يهدي - 00:01:45

بعد المقدمة دي ربنا جاب نموذجين نموذج لمن اتاه الله الملك وشكر ونمزوج لمن اتاه الله الملك وكفر نمزوج لمن اتاه الله الملك وشكر سيدنا داود وسيدنا سليمان. والنمزوج لمن اتاه الله الملك وكفر قوم سباء. لقد كان - 00:02:05  
سبأ في مسكنهم اية. وقلنا اتكلمنا عن الفوائد ليه القصة دي جت هنا في السورة دي؟ بعد هذا الشوط الطويل من الوضوح والتبيين والنقاشات والمجادلة وان الله عز وجل هو الذي يملك الله عز وجل هو الذي يعلم. في الآخر هنجد هنجد يا جماعة ان سورة سباء من اكتر السور بردو - 00:02:25

اللي جت فيها كلمة قل اكتر سورة في القرآن جت فيها كلمة قل سورة الانعام. جت اكتر من اربعين مرة. ودائماً السور اللي بيجي فيها كلمة قل كثير بتبدل على المحاجة والمجادلة والاعلام ان احنا هذه المعلومات لازم ننشرها للناس. وان في قصادنا تيار معاكس بيحاول - 00:02:45

تحارب دين ربنا. هنجد ان سورة سبق هنا اربع ايات ورا بعض كلمة قل. وببرضو في ختام السورة ودي من حتى من الحاجات اللي بيقولوها في في الفوازير القرآن يعني الالغاز القرآنية سورة في خواتتها اربع خمس ايات متتاليات كلمة قل هي سورة سباء - 00:03:05

فهنا بعد شوط طويل من التوضيح والتبيين هنجد اربع ايات وراء بعض كلمة قل. لأن خلاص الدنيا بقت واضحة. اسئلة متتالية بتسائل وبتحاول وبعدين بينتقل السياق للدار الاخرة. اول سؤال او اول كلمة قل قل من يرزقكم من السماوات والارض. لأن الآية دي جت - 00:03:25

بعد ما ربنا قال لهم طيب ربنا ادي لسيدنا داود قال ان له الحديد وسخر الريح لسيدنا سليمان وسخر له الجن واعطى الملك لسبأ ثم اخذ ملك من سبأ. الالهة بتاعتكم بقى بتعمل ايه؟ قل من يرزقكم من السماوات والارض. هل الالهة بتاعتكم دي بتنزل لكم المطر؟ هل الالهة - 00:03:45

بتاعتكم دي بتخرج النبات من الارض قل ارأيت من اصبح مؤكم غورا فمن يأتيكم بماء معين احنا لما بنبقى في نص البحر المشركين نفسهم لما كانوا بيقولوا في نص البحر بيقولوا ايه؟ والموج بيأتي عاليًا بيقولوا يا رب عارفين ان ما لهم حد في المكان ده غير يا رب وقصة بيروي في قصة اسلام عكرمة - 00:04:05

ابي جهل وكان ابن رأس الفساد ابو جهل عكرمة بن ابي جهل النبي صلى الله عليه وسلم قال لو رأيتموه متعلق باستار الكعبة اقتلوه فخرج هاربا ركب البحر وهرب وهو في نص البحر الموج اضطرب فلقى الناس بترمي الاصنام في البحر فقال لهم بتعملوا ايه؟ قالوا يا عكرمة هذا يوم لا ينفع فيه - 00:04:25

الا من في السماء. وقال له يا رب فاكريني قال لك طب ما هو كل الايام هي اللي لا ينفع فيها الا من فوق السماء. فعاد عكرمة تائبا واسلم ونصر دين الله عز وجل ومات - 00:04:45

شهيدا في سبيل الله. الشاهد ان هنا الايات دايما قلنا القرآن بيبيين للانسان مدى الضعف البشري عند الانسان. بيفكرروا بلحظات مرض بيفكرروا باحتياجاته للرزق. بيفكرروا بلحظات الموت. الانسان بيطغى ان رآه استغنى. الانسان طول ما هو مستغنى مش حاسس انه مش - 00:04:55

تاج ربنا. مسألة بيسموها التنزل في الخطاب. اما تيجي تتناقش مع واحد عشان ما تستفزوش وما بيقاش قدامك غضبان بتقول له بص تعال نتناقش كده. طالما انت بتقول ان في اللهة وانا بقول لا الله الا الله اكيد واحد فينا صح واحد فينا غلط - 00:05:15 ده اسلوب معروف جدا في المراقبة وبيعمل ضغط نفسي على اللي قدامك. تقول له بص واحد فينا هيخش الجنة واحد فينا هيخش النار هو احنا اللاتين ما فيش حاجة اسمها ان الناس كلها صاحبة. فيه منهج حق واضح. واحد. فهنا بيقول لهم ايه؟ بعد النقاش الطويل بقى خلاص انا - 00:05:35

وصلت معكم نوع من المفاصلة. بس من غير الاستفزاز. ليه يا جماعة؟ لأن دايما بيقال مقام الهدایة اولى من مقام النکایة يعني ايه يعني انك انت تهدي اللي قدامك احسن ما تطعنـه. مقام الهدایة اولى من مقام الایـه؟ انك انا ممكن اترىـق عليه. وهو - 00:05:55 كده كده خلاص مشـرك اـنا مـمـكن بـقـى اـتـرـىـقـ عـلـيـه وـاسـخـرـ مـنـه لـكـنـ هـوـ اـنـاـ كـدـهـ هـاـخـسـرـهـ. لـكـنـ اـسـلـوبـ دـهـ بـيـسـعـمـلـ اـخـرـ اـسـالـيـبـ لـمـاـ خـلاـصـ تـسـتـنـفـزـ كـلـ اـسـالـيـبـ مـقـامـ الـهـدـایـةـ اـولـىـ مـنـ مـقـامـ الـلـایـهـ؟ مـنـ مـقـامـ النـکـایـةـ. فـهـنـاـ شـفـ التـنـزـلـ فـيـ خـطـابـ النـبـیـ صـلـىـ اللهـ عـلـیـهـ وـسـلـمـ بـيـقـولـ لـهـمـ وـاـنـ - 00:06:15

او ايـاـكمـ لـعـلـىـ هـدـىـ اوـ فيـ ضـلـالـ مـبـيـنـ. بـيـقـولـ لـهـمـ وـاـنـ فـيـنـاـ صـحـ وـاـنـدـ فـيـنـاـ غـلـطـ. يـاـ اـنـتـمـ الـلـيـ صـحـ. طـبـعـاـ النـبـیـ صـلـىـ اللهـ عـلـیـهـ وـسـلـمـ هـوـ الـلـیـ صـحـ. لـكـنـ بـيـقـولـ لـهـمـ تـعـالـوـاـ نـفـكـرـ مـعـ بـعـضـ. اـنـتـمـ بـتـقـولـوـاـ فـيـ هـلـهـ مـتـعـدـدـةـ وـاـنـاـ بـقـولـ الـلـهـ وـاـنـدـ. اـنـتـمـ بـتـقـولـوـاـ الـاـللـهـ بـتـشـفـعـ وـاـنـاـ بـقـولـ لـاـ تـنـفـعـ الشـفـاعـةـ عـنـدـ الـاـلـهـ - 00:06:35

انتـمـ بـتـقـولـوـاـ الـا~لل~ه~ دـي~ بـتـرـزـقـ وـا~نـا~ بـقـولـ الـا~لل~ه~ دـي~ مـا~ بـتـعـلـشـ ا~ي~ حاجـةـ. اـنـتـمـ بـتـقـولـوـاـ يـنـفعـ حدـ يـحـطـ شـرـعـ غـيرـ ربـناـ وـاـنـاـ بـقـولـ اللهـ عـزـ وـجـلـ هوـ الـذـيـ يـفـعـلـ مـاـ يـشـاءـ وـيـأـمـرـ بـمـاـ يـشـاءـ لـهـ الـخـلـقـ - 00:06:55 وـلـهـ الـاـمـرـ. اـنـتـمـ بـتـقـولـوـاـ وـا~نـا~ بـقـولـ ا~ذـا~ ا~حـنـا~ مـخـلـفـيـنـ. وـا~حـد~ فـيـنـا~ صـحـ اـنـتـمـ بـتـقـولـوـاـ عـلـيـ اـنـ اـنـا~ قـطـعـتـ الـاـرـحـامـ وـفـرـقـتـ بـيـنـ الـاـبـ وـالـاـبـنـ وـاـنـاـ بـقـولـ عـلـيـكـمـ اـنـ اـنـتـمـ بـتـزـبـحـوـ لـغـيرـ اللهـ وـتـدـعـوـ غـيرـ اللهـ عـزـ وـجـلـ. بـيـقـىـ اـذـا~ وـا~حـد~ فـيـنـا~ صـحـ وـا~حـد~ فـيـنـا~ غـلـطـ. وـا~مـا~ او~ ا~ي~ا~ك~م~ لـعـلـى~ - 00:07:05

بـوـدـاـ لـمـاـ جـابـ الـهـوـدـةـ جـابـ حـرـفـ عـلـىـ هـدـىـ اوـ ايـهـ؟ اوـ فيـ ضـلـالـ ايـهـ؟ مـبـيـنـ. يـعـنـيـ بـيـقـولـ لـهـمـ بـعـدـ النـقـاشـاتـ الـلـيـ مـنـ اـوـلـ السـوـرـةـ دـيـ المـفـرـوضـ اـنـ الـحـقـ وـضـحـ لـلـنـاسـ وـاـنـ الـلـيـ هـيـخـتـارـ طـرـيقـ الضـلـالـ اـحـنـاـ هـنـسـيـبـ النـاسـ تـخـتـارـ. وـالـاـسـلـوبـ دـهـ لـازـمـ الدـعـاءـ يـسـتـعـمـلـوـهـ وـخـاصـةـ فـيـ اـوـقـاتـ - 00:07:25

انه يبين للناس الحق من خلال القرآن حتى لو ما سماش حتى لو ما قالش اسم فلان الفلاني فاسق او المزيع الفلاني بيطعن في الدين. حتى لو ما قالش الاسماء مفروض نفضل نوضح الدين للناس من خلال القرآن. حتى يصل الناس الى درجة من الوضوح. احنا **نعرفهم - 00:07:45**

نقول لهم ربنا بيقول كزا وكزا يبقى منافق. وربنا بيقول والنبي صلى الله عليه وسلم بيقول ان اللي بيقول كزا وكزا وكزا يبقى فاسق ربنا بيقول والنبي صلى الله عليه وسلم بيقول ان اللي هي عمل كزا وهي رفض كزا وهي وافق على كزا يبقى خسر الولاء والبراء. واللي هي عمل كزا يبقى بيوالي الاعداء - **00:08:05**

اللي هي عمل كزا حتى لو ما قلناش الاسماء. بعد هذا التوضيح الناس ستتعلم من هو على الحق ومن هو ايه؟ في ضلال مبين زي ما ربنا قال وكذلك نفصل الآيات بعد ما نفصل الآيات القرآن ونشرحها ايه اللي يحصل؟ ولتستبين سبيل المجرمين. سبيل المجرمين هتظهر - **00:08:25**

للناس مباشرة. وان اوياتهم ده بيسموه لنا الايه؟ التنزل في الخطاب. القرآن بيعملك اسلوب المعاشرة. تقول لما تيجي تكلم واحد تقول له بص واحد صح واحد غلط واحد كافر بينما ظرك واحد ملحد واحد بيناقشك في حاجة فانت بتقول له واحد صح واحد غلط امتنى بتقول له الكلام ده - **00:08:45**

دي مش اول ايه جت في السورة. ده بعد آآ قصص مين اللي ربنا ادى الملك وقصة سيدنا داود وسليمان وقصة سبا. وب يقول عامه انت مانعينا من الدعوة ليه؟ اوقات الاستضعف انت كل املك عايز بس مساحة من الحرية للدعوة. فاوقات الاستضعف احنا قلنا - **00:09:05**

الصورة دي نزلت في اوقات الاستضعف. انت عايز مساحة من الحرية في الدعوة. نجد ان القصة الثانية في سورة الكهف. القصة الاولى في سورة الكهف قصة ايه اصحاب الكهف طب القصة الثانية؟ صاحب الجنتين هنجد ان بعد القصة الاولى كانت قمة للضعف دخلوا في - **00:09:25**

كهف ما عرفوش حتى يقولوا رأيهم. ما كانش فيه حرية لدرجة حتى بس انه يقول رأيه. لأن اللي هيقول رأيه هيقتل. القصة الثانية بقى فيه مساحة بسيطة جدا من الحرية وفيه نقاش - **00:09:45**

وفي حوار قال له صاحبه وهو ايه؟ يحاوره اكفرت؟ يعني بالرغم ان بيقول لصاحبه انت كافر الا كان في مساحة من الايه؟ من الحوار دي اللي احنا محتاجينها. انك انت تحتاج مساحة الان من الحرية انك تقول توضح. انت ما عندكش تمساح - **00:09:55** الان من التطبيق ده. انت عندك مساحة من العرض فقط. فاحيانا ده كمان لا يسمح لك. فهنا بيقول لهم طب انت مانعينا من الدعوة ليه؟ لا يسألون عم اجرمن. تخيل! ولا نسأل عم ايه تعملون. يعني بيقول له اعتبرنا مجرمين - **00:10:15**

شف التنزل في الخطاب. يعني في الاول بيقول له واحد فينا صح وواحد فينا غلط. طيب. يا سيدى اعتبرنا احنا مجرمين وانت كويسيين سين لا نسأل عن قل لا تسألون عم ايه؟ اجرمنا. جاب الاجرام لهم. للمسلمين. والتانيين بيقول لهم ايه؟ ولا - **00:10:35** يسأل عمما تعملون. الحريص على هداية الناس يتكلم بهذا الاسلوب. لكن الحريص على نكأة الناس لا يتكلم بهذا الاسلوب فيه انت عايز تبقى حريص على هداية الناس. فتقول له طب تعالى طب اقعد طب نفك طب كزا طب اعتبرني انا غلطان. طب في يوم قيامة - **00:10:55**

لذلك بيقول ايه؟ قل لا تسألون عمما اجرم ولا نسأل عمما ايه؟ ما قالش تجرمون. كان المتوقع؟ قل لا تسألون عمما ولننسأل عمما تجرمون. يعني كان متوقع ان انا اقول ان هو اللي مجرم وانا اللي مش مجرم. لكن شف التنزل ده بيسموه زي ما قلنا ايه؟ التنزل - **00:11:15** اانا هاجاريك. انت بتقول علي ان اانا مجرم! طيب يا سيدى انت مش هتسأل على اجرامي. سبني ادعوا الى الله. وكده كده في يوم يجمع بيننا ربنا ثم ايه؟ ثم يفتح. يعني ايه يفتح؟ نجد ان جمهور المفسرين بيقول هنا كلمة يفتح بمعنى - **00:11:35** يقضى ثم يفتح بيننا بالحق يعني ايه؟ يعني يقضي. طب ليه ربنا ما قلش يقضى؟ قال له لان الفتح ده بيجي لشيء ايه مغلق فكان احنا وصلنا هنا للدعوة في قمة الاغلاق. احنا هنا وصلنا في مرحلة في الدعوة معهم هم رافضين يسمعوك - **00:11:55**

معهم الاموال معهم العدة مش عايز يسمعك. وصلت وصلوا معك لدرجة من الاغلاق. تكلمهم عن قصة سيدنا داود تكلمهم عن سبا الفلوس اللي معكم دي ممكن تروح زي ما كانت مع سبق وراحت. هو رافض يسمعك. فبتقول له بص انت يا سيدني اعتبرني مجرم. سبني اشتغل في الدعوة - 00:12:15

وعامة يجمع بيننا ربنا ثم يفتح الاغلاق اللي انت قفلتوه في الدعوة ده ربنا هيفتحه. مهما فعل اهل الباطل بقوا من قنوات الدعوة ومسالك الدعوة في الواقع الله عز وجل يفتحها. ثم يفتح بيننا بالحق - 00:12:35

وهو الفتاح الایه؟ العليم. من يستحق؟ ربنا عليم لما يفتح. ممكن قاضي غضبان فيغضب ان يقضي بغضب لكن الله سبحانه وتعالى هو الفتاح الایه؟ العليم لا يظلم احد. قل يجمع بيننا ربنا ثم يفتح بيننا - 00:12:55

بالایه؟ بالحق هو الفتاح والعلم. الآيات دي مهم ان المسلم يستحضرها في زمن الاستضعفاف. لأن المسلم في زمن الاستضعفاف ذي ما قلنا قد يصيبه مقوله عليه كل حاجة من نوع يتكلم في الدعوة ما معهوش اموال مش قادر ينصر الدين. تخيل الواقع في مكة اللي قريش معها الاموال معها العدة - 00:13:15

السيطرة على الاعلام مسيطرة على كل حاجة. المسلم هنا قد يصاب باليأس يقول طب وبعدين؟ فلازم يتذكر هذه المعاني التي في هذه السورة. المعاني دي لازم تبقى دايما في قلب المؤمن ولا يشعر بقيمة هذه المعاني الا الحريص على نشر الدين. واحد يقول ايه؟ انا مش حاسس ان المعاني دي بتغزيني يعني - 00:13:35

نقول ان المعاني دي ما يشعرش بقيمتها الا مين ؟ الا الحريص على نشر الدين الا اللي بيقطع. نفسه ان الدين ينتشر. يعني بينام يحلم قال النبي صلى الله عليه وسلم من لم يغزو او تحده نفسه بالغزو مات على شعبه من شعب النفاق. يعني اللي نفسه ما بتحدثوش بالدعوة الى الله - 00:13:55

لا يشعر بقيمة هذه المعاني. في الآخر بيقول لهم قل اروني الذين الحقتم به شركائي. زي بالضبط كده سورة الرعد افمن هو قائم على كل نفس بما كسبت. يعني سورة العهد بيقول لهم ربنا قائم على - 00:14:15  
ده كل نفس بما كسبت. الله عز وجل يرزق كل نفس. ويمد بالقوت كل نفس. ويعلم ما تكسب كل نفس ويعلم خواطر كل نفس. وهو يحدد اجل كل نفس. ثم تتخذون شركاء بيعملوا ايه ؟ افمن هو قائم - 00:14:35

على كل نفس بما كسبت وجعلوا لله شركاء. طب الشركاء دول بيعملوا ايه ؟ فانت في اخر اخر جملة بقى بتسيبهم و بتقول لهم قل اروني الذين الحقتم به شركاء. وروني كده فين الشركاء بيعملوا ايه الشركاء بتوعهم ؟ بيعملوا ايه الشركاء ؟ انا بقول لكم ربنا بيفعل - 00:14:55

كذا وكذا. كلا اي لا الله الا الله كلا بل هو الله الایه؟ العزيز الحكيم. بعد الاربع ايات من كلمة ربنا كان في اشاره وان تتولوا يستبدل قوما غيركم. ربنا بيقول ايه ؟ وما ارسلناك الا ايه ؟ كافة للناس. لو هم - 00:15:15  
ما سمعوش الكلام ربنا هيحب اللي هيسمع الكلام. وبالفعل اعرض اهل مكة عن الدعوة فيسر الله عز وجل لها اهل المدينة. لازم نعرف كده ان الدعوة مش هي اللي تحتاجة الناس. الناس هي اللي هيحتاجة للدعوة. اللي هيعرض عن دين الله عز وجل سييسر الله عز وجل من يحمل هذا الدين. فرب - 00:15:35

ربنا بيقول بعد خلاص انت هتنقول لهم قل قل اربع مرات كلمة قل وفي الآخر لو ما سمعوش الكلام خلاص. وما ارسلناك الا ايه ؟ الا كافة للناس بشيرا ونذيرا. يعني ايه بشيرا ونذيرا ؟ هنا ايه دورها هنا بقى كلمة بشير ونذير؟ دورها بشيرا ونذيرا - 00:15:55  
يعني ليس من وظيفة النبي صلى الله عليه وسلم ان هو يحب لهم المعجزات. ليس من وظيفة النبي صلى الله عليه وسلم مش يحب لهم المعجزات قصدني. يعني ليس من وظيفة النبي صلى الله عليه وسلم انه يحب المقتراحات بتاعتتهم. يعني هم قعدوا يقولوا ايه ؟ يعني هنشوف دلوقتي بيقولوا كم - 00:16:15

جدا وقال الذين كفروا لن نؤمن بهذا القرآن ولا بالذي بين يديه. مرة المشركين يقولوا انت ما جبتناش ايات زي بتاعتتنا آموسى ليه ؟ عليه السلام. اشمعنى ؟ احنا عايزين عصا زي بتاعتتنا. او لا احنا عايزين كتاب زي التوراة مش عايزين القرآن. او نزل لنا كتاب من -

00:16:35

او اعملنا نفق في الارض. او اقول لك اعمل لنا سنة بنطلع فيه في السماء. او قعدوا متعنتين في طلب الاقتراحات. فربنا بيقول النبي صلى الله عليه وسلم ليس هذا من وظيفتك بل وظيفة النبي صلى الله عليه وسلم والدعاء من بعده البشارة والنذارة. ثم خلاص اللي -

00:16:55

يؤمن هيؤمن. لذلك لو اشغل الدعاء الى الله عز وجل. بأنه يفعلون طلبات المتعنتين. عمرهم ما طول الحال لأن كل ما يطلب طلبة تتحقق له عايزين نفق في الارض عايزين سلم في السماء هتعمل له يقول لك السلم ده مش عاجبني اعمل لنا نفق في الارض -

00:17:15

نفق في الارض. لا اعمل لنا الصفا دهب. طيب هعمل لكم الصفا دهب. يعمل لهم الصفا دهب. لا اصل في حته لسه في الجبل ما اتعلمتش ده. هيقدعوا ايه عننته يتعنتوا في طلب الآيات. اللي هيؤمن هيؤمن من الاول. القرآن كافي. لذلك هم في مرة من المرات قالوا لولا اوتى مثل ما اوتى -

00:17:35

يا موسى من قبل سورة القصص قالوا طب ليه ما يجييش التوراة زي بتاعة موسى؟ يا سلام! هنا قال له بص احنا لا مؤمنين لا بالتوراة ولا بالقرآن وقالوا لن نؤمن بهذا القرآن ولا بالذي ايه؟ بين يديه. اي كتاب من السماء مش مؤمنين. قالوا الكلمة دي امتي؟ لما حصل عليهم -

00:17:55

حصار في النقاش هنا في السوق. فربنا بيقول وما ارسلناك الا كافية للناس ايه؟ بشيرا وندира. الوظيفة دي لو غابت عن الدعاء هم بيلتفتوا عن الطريق الأساسي بتاعتهم. الطريق الأساسي البشارة والايده؟ والنظام. ولكن اكثر الناس لا يعلمون. ويقولون -

00:18:15

متى هذا الوعد ان كنتم صادقين؟ ايه علاقة السؤال بسياق الآيات؟ الكلام عن الله الرزاق الله الاله الواحد الله. دائمًا بنقول ان النقطة

دي مهمة في القرآن وبتتكرر كتير جدا. ايه النقطة دي؟ الغرض الأساسي من رفض الدعوة كل الغرض ده او -

00:18:35

الحقيقة الأساسية مش عدم اقتناع بالقرآن. مش عدم اقتناع بالمعجزات. كل السبب الرئيسي للرفض الخوف من الحساب على

المعاصي دي حيلة نفسية للهروب. هو ينكر يوم القيمة. زي ما ربنا قال لا اقسم بيوم القيمة. ولا اقسم بالنفس اللوامة. ايحسب -

00:18:55

انسان ان لن نجمع عظاما المشرك يقول ايه؟ انا مش مقتنع بيوم القيمة. تقول له ليه؟ يقول لك اصل مش معقول بعد ما الانسان يتخلل في الارض كده يصحى تاني -

00:19:15

مستحبيل الحقيقة ان مش دي المشكلة اللي عنده. مش المشكلة عدم اقتناعه. امال ايه المشكلة؟ ربنا بيقول ايه؟ بل يريد الانسان الایه

المشكلة ان هو مش عايزه يعني مشكلة العلمانيين لما بيقولوا ان الدين في المسجد وما فيش دين بره مشكلتهم مش -

00:19:25

مع الشريعة مشكلتهم مش عدم اقتناع بال التشريعات القرآنية. هم بيقدعوا يقولوا ايه؟ اصل التشريع ده زمان وما عدش يناسب العصر اصل مش عارف ايه بيقدعوا ايه حجج كتير. مش دي الحقيقة. الحقيقة انه مش عايز يوم قيمة. لو انت حليت له كل مشاكله هو -

00:19:45

خايف يتحاسب على الاعمال بتاعته من الآخر. هو عمال خايف من الحساب بتاعة الاعمال بتاعته. هو خايف. لذلك يقولون متى هذا الوعد ان كنتم صادقين؟ هو بيجي في الآخر يقول ايه؟ بص بقى فيه كتاب ما فيش كتاب انا مش مؤمن بيوم القيمة. زي ما قلنا المشركين -

00:20:05

ودي فصلناه قبل كده في درس تاني المشرك حب يرفض القرآن وحب يرفض النبي صلى الله عليه وسلم عشان البعث فكبر صريح اليهود ما عملوش كده. اليهود كانوا خباء شوية. كانوا عايزين يكفروا بالبعث. بس قعدوا يلفوا ويدوروا. وان شاء الله يبقى يجيء لنا ايات عن اليهود. انما المشركين جابهم للآخر -

00:20:25

يقولون مات هذا الوعد ان كنتم صادقين. فانت بتقول لهم كل لكم ميعاد يوم لا تستاخرون عنه ساعة. الجواب هنا جواب زي ما قلنا القرآن بيتحطى مرحلة اثبات يوم القيمة الى ما سيحدث في يوم القيمة. تاني القرآن بيتحطى -

00:20:45

حالة اثبات يوم القيمة الى ايه؟ الى ماذا سيحدث يوم القيمة. زي ما بنقول المثال المشهور واحد يقول لك ما فيش امتحانات. ما فيش حاجة اسمها امتحانات. انت مش اوعوا تقنعوا ان في امتحان انت بتقول له ايه؟ يوم الامتحان انت هتسقط وهيحصل فيك كذا وكذا. انت تجاوزت مرحلة اللاثبات الى مرحلة ماذا سيحدث - 00:21:05

فهنا لما قالوا ما فيش يوم قيامة فهنا ربنا بيقول لهم لكم ميعاد يوم لا تستأخرون عنه ساعة ولا تستقدمون وبدأوا ربنا تقول لنا هيحصل فيهم ايه يوم القيمة؟ ماذا سيحدث فيهم يوم القيمة؟ وقال الذين كفروا لن نؤمن بايه - 00:21:25

بهذا القرآن اللي معك ده لن نؤمن بهذا الذي بين يديه. دائمًا المشركين عندهم مشكلة مع القرآن. قالوا له ايه سورة يونس اتي بقرآن غير هذا او بدله. يعني بيقولوا له ايه؟ المشكلة ان القرآن اللي معك واضح صريح - 00:21:45

لا الله الا الله الذي يحكم هو الله وان فيه بعث وتحاسب على كل ذرة. قالوا له هات لنا القرآن تاني يكون كده كويس ما يكونش فيه نار وما يكونش فيه كلام عن النار. هات لنا دين جديد. اتي بقرآن غير هذا او ايه؟ او بدله - 00:22:05

فرض النبي صلى الله عليه وسلم قال لهم قل ما يكون لي ان ابدله ايه؟ تلقاء نفسي. انا وظيفتي الانذار والبشرارة. انا عبد انا امرني الله عز وجل بامر فلما لقوا النبي صلى الله عليه وسلم مصمم ان مش هيجيب قرآن تاني قال له طب بص لن نؤمن بهذا القرآن ولا بالذي وان مشكلتهم عارفين ان - 00:22:25

في تكفين في القرآن تاني عشان ما ننساش جو السورة. جو السورة المشركين معهم العدة والاموال والعتاد. وهيجي معنا قول الله وقلالوا نحن اكتر ايه؟ اموالا واولادا. احنا معنا فلوس كتير. طب هم معهم فلوس كتير. خايفين منك ليه؟ انت ما معكش حاجة. انت في الصورة هنا فقير - 00:22:45

معكش حاجة؟ لكن ربنا قال لنا في اول السورة والذين سعوا ايه؟ في آياتنا. هو مركز عشان يضربك فين في القرآن هو عارف قوتك. لذلك عايزين يصرفوا الناس عن القرآن نعمل ايه؟ نبعدهم عن اللغة العربية. بحيس ان - 00:23:05

يجي هنا قرآن ما يفهمش حاجة. طب بييجي يقرأ التفسير بتاع القرآن برضو ايه برضو مش فاهم حاجة. بييجي يقرأ التفسير بتاع التفسير برضو مش فاهم حاجة. أصبح فجوة بين الناس وبين الایه؟ وبين القرآن. يخلی الدين آآ حاجة فرعية عند الاطفال والطفل ينشأ في المدارس - 00:23:25

ان مش مهم بيقى عنده معلومات عن القرآن. مش مهم. وتجد شخص معه اه شهادات عالية جدا في الدنيا ولا يستطيع ان يقرأ الفاتحة ما يعرفش يقرأ الفاتحة اصلا صحيحا. وان الله عز وجل كما اخبر النبي صلى الله عليه وسلم يبغض كل عالم بالدنيا جاھل - 00:23:45

اصل العالم بالدنيا ده كان عنده قدرات انه يفهم في الدين لكن هو اعرض عن ذلك. فهم بذلك اموالهم وطاقاتهم في ايه؟ في صرف الناس عن القرآن. كل المجهود الرئيسي ان الناس ما ترتبطش بالقرآن. يا جماعة لو الناس ارتبطت بالقرآن كتير من - 00:24:05  
الشكل اللي احنا بنشووفه في الواقع مش هنلاقيها. كتير من الشبهات اللي بتتقال في التليفزيون مش هيبيقى لها اي قيمة. كتير من الشبهات اللي بتتقال في الاعلام مش هيبيقى لها اي قيمة. الناس لو - 00:24:25

ارتبطت بالقرآن حقا. الناس هتعرف مين المؤمن من المنافق؟ هي هتعرف. الناس هتعرف. هييجي واحد يطلع. تقول ايه ده؟ هو فلان بيقول كذا وكذا وربنا بيقول في القرآن كذا وكذا. ازاى فلان بيختلف دين الله عز وجل؟ دا ربنا قال في القرآن ومن لم يحكم بما انزل الله فاولئك هم الكافرون الظالمون الفاسقون - 00:24:35

ازاي فلان يرفض كذا؟ ازاى فلان يوالى اليهود والنصارى؟ وربنا بيقول ولن ترضى عنك اليهود ولا النصارى حتى تتبع ملتهم. هيبيقى عنده قواعد واضحة من القرآن. لكن ابتعدنا عن القرآن فسهل على الاعداء ان يصرفوا الناس عن الدين. فهو كل غرضه ان - 00:24:55

يصرفك عن الایه؟ عن القرآن. كل غرضهم صرف الناس عن القوة الحقيقة لل المسلمين. الكتاب الوحد على وجه الارض الذي لم يبدل ولم يغير هو القرآن. المسلمين هم معهم الحق الاوحد بالقرآن. الكتاب الذي لا يبدل ولا يغير الى يوم القيمة - 00:25:15

والقرآن الوحي الصادق الثابت على مدار التاريخ والقرآن. فهم عارفين نقطتك. عارفين نقطة قوتكم وعاززين يصرفوكم لذلك وقال الذين كفروا قيل المعنى هنا الكفار اي الملا المستكبرين. وقال المستكبرين منهم لن نؤمن بهذا - 00:25:35

ولا بالذى بين يديه. ربنا جاب لك صورة نقلة مباشرة من من مكانه في الدنيا لمكانه في الآخرة. ولو ترى اذ الظالمون موقوفون عند ربهم. يرجع بعضهم الى بعض القوم. يقول الذين استضعفوا - 00:25:55

للذين استكروا لولا انتم لكن مؤمنين. مشهد الحوار في النار نعود بالله عز وجل من النار مشهد الحوار في النار بين المستضعفين والمستكبرين جه في القرآن كثير جدا. جه في سورة البقرة وجه في سورة الاعراف وجه في سورة - 00:26:15

غافر وجه معنا في سبأ وجه في الاحزاب وجه في صاد جه يعني في اكسر من مكان في القرآن. وكل موقف في القرآن يعالج قضية مسألة المستكبرين والمستضعفين دي نقطة مهمة قوي. ليه؟ لأن ربنا سبحانه وتعالى فطر الناس كده ان في - 00:26:35

ناس قيادات عندها القدرة على القيادة. وفي ناس بيتبعوا ومش كل الناس هيبقوا دعاة. ففي ناس ممكن يبقو دعاة وناس تسمع فيه ناس هتبقى ائمة وفيه ناس تسمع كلامهم. بس زي ما في ائمة بيهدون الى الحق في ائمة بيهدون الى النار. ربنا قال كده ان فرعون - 00:26:55

اللي معه كانوا ائمة يهدون الى النار. زي ما في قادة وملأ ونخبة يهدون الناس الى الحق. في زيهم برضه ناس استعملوا الطاقات بتاعتهم القدرات دي ربنا ادى للناس في ناس ربنا اداهم القدرات على كده. يعني لو قلنا مسلا كتنسب ان دولة او مكان هنجد ان ممكن خمسة - 00:27:15

في المية منهم بس هم اللي عندهم الطاقات على القيادة. والباقي بيسمع ويفكر ويختار يتبع. انما مش ما يقدرش يبقى عنده القدرة على فلما يتسلط ويتصدر ملأ ظلمه فجر يستكرون يصرفون الناس عن الدين الاتباع - 00:27:35

فالنقطة دي كانت محتاجة تحرير وخاصة ان ده موجود الى يوم القيمة. يعني حتى فكرة الديموقراطية وان يختاروا الناس للشعب دي فكرة خادعة. لأن كده هي عبارة عن قلة متحكمة برضو في الشعب. هم قلة بيستغلوا وسائل اعلامية معينة ووسائل مادية - 00:27:55

وعيلة يدحوكوا على الناس بها. فالناس تختارهم فيبيقى هم اللي بيتحكموا في مصير الناس. كده كده في الاخر من الاخر في قلة متحكمة في الناس. القلة دول لو كانوا ساروا على الباطل بيصرفوا كثير من الناس الى الفساد. ربنا سبحانه وتعالى في اكتر من موطن يجيب مشهد الحوار - 00:28:15

والجدال والصراع واللعن بينهم وبين بعضهم البعض بين المستكبرين وبين المستضعفين. خلاص طيب معنا هنا ولو ترى كان ربنا يقول لك يا لو شفت اللي واقف متفرعن وببيقول لن نؤمن بهذا - 00:28:35

القرآن ولا بالذى بين يديه. لو تشوف منظره في الآخرة لرأيت شيئا. عشان كده الجواب لو مخدوف. لرأيت منظرا فظيعا لا يوصف لو شافت المستكبرين في الدنيا اللي بيستكروا على الناس لو شفتهم في الآخرة لرأيت مشهدا عجيبة الزلمة دول لو شفتهم في الآخرة - 00:28:55

ایات بتنسكب الطمأنينة في قلب الموت. الایات دي المسلمين كانوا محتاجينها في الوقت ده. المسلم وهو بيقرأ الایات دي كده في قيام الليل ولو ترى اذ الظالمون موقوفون عند ربهم. يبقى العيد تنزل ايه؟ طمأنينة كده. يا سلام! اكن اللي - 00:29:15

يوقف الناس ويضررهم ويأسأهم. هييجي يوم هو اللي هيقف هو اللي هيتسأل وينادى وقوفهم فاترعبوا كلهم يقفوا مسؤولون سورة الصافات ولو ترى الظالمون ايه؟ موقفه مش هيعدى هيقف تعالى انت عملت كزا وعملت كزا وقلت كزا وقلت - 00:29:35

فأهل اليمان اللي كانوا ممنوعين من الصلاة في الكعبة؟ واللي كانوا ممنوعين من انهم يجتمعوا واللي كانوا ممنوعين من الحج واللي كانوا ممنوعين اهل اليمان لما اسمعوا الكلام ده يطمئنوا استحضار هذه الایات مهم ينسكب الطمأنينة في قلب الداعية في قلب العاملين الله عز وجل ولو ترى اذ - 00:29:55

ظالمون. الظالمون هل هنا المستكبرين ولا المستضعفين؟ ايه رأيكم؟ الاثنين. ما هو المستكبر ظالم لانه زلم الناس والمستضعف زالم

لانه زلم مين؟ لانه ظلم نفسه. هنيجي دلوقتي على يعني ايه كلمة استضعفوا؟ وليه هنا في - [00:30:15](#)  
صورة آآ البقرة واد تبرأ الذين ها؟ اتبعوا من الذين اتبعوا ورأوا العذاب تقطعت بهم الاسباب. وقيل وقال الذين اتبعوا لو ان لنا هناك  
اتكررت كلمة اتبعوا واتبعوا. اتبعوا واتبعوا واتبعوا. ما جتش - [00:30:35](#)

في هناك المستكرين والمصطلحين. هنا جت تكرار ثلاث مرات كل اية اتكرر فيها كلمة الذين استكروا والذين ايه؟ استضعفوا. بيقى  
اكيد لها دلالة. في البقرة كات تحارب التقليد والتبعية. في البقرة كانت بتحارب الایه؟ التقليد والتبعية لأن اتباع اليهود قالوا احنا  
هنتبع سادات اليهود - [00:30:55](#)

ورفضوا اتباع النبي صلى الله عليه وسلم. وفي قريش قالوا نتبع ما وجدنا عليه يا ابانا. فكان المشكلة في بناء الدولة التبعية والتقليد  
فعالجتها سورة البقرة هنا مشكلة ان في ناس معها اموال ومعها عدة نحن اكثر اموالا واولادا. فكانوا مستكرين فالمستضعفين كانوا  
خاضعين - [00:31:15](#)

المستكرين معايا طيب بيقى ولو ترى ان الظالمون مين الظالمون؟ اللاتين المستكبر ظالم والمستضعف برضه ظالم تخيل الغلبان اللي  
بيقول لك انا ما ليش دعوة انا عبد المأمور ده ده زالم؟ اه ده زالم. ولو ترى الظالمون موقوفون عند ربهم - [00:31:35](#)  
كان في الدنيا بيعمل اللي هو عايزة. ما حدش بيأسأله. بيضرب وييعمل وبياخد فلوس. بيعمل اللي هو عايزة في الناس. لكن يجي يوم  
القيمة يقف ويتسائل على كل فعلة فعلها ولو ترى الظالمون موقوفون عند ربهم يتخانقوا مع بعض بقى يرجع بعضهم الى بعض  
للايه القول زي سيدنا ابراهيم كده ما قال لهم - [00:31:55](#)

صورة العنكبوت وقال انما اتخذت من دون الله او ثاننا. ليه؟ مودة بينكم في الحياة الدنيا. كنتم عاملين كده حركات بينكم وبين بعض  
وانتم كنتم بتقسموا الفلوس على بعض وكنتم مخترعين حاجات زي القومية كده والوطنية شوية حاجات كده - [00:32:15](#)  
ضحكتوها بها على ناس وكانت دي اللي جمع بينكم والمودة طرحتوا دين ربنا جانبنا. ثم يوم القيمة ايه اللي هيحصل؟ ها؟ يكفر  
بعضهم بعض ويعلن بعضكم بعض. تخيل اللي كانوا بيحبو بعض وكانوا سمنة على العسل في الدنيا. وكانوا مظبطين وبيظبطوا بعض  
ويقولوا ظبطني واظبطك - [00:32:35](#)

وانا هعمل كذا وانت تعمل كذا. وكانوا مسيطرين على الوضع الاقتصادي مسلا في مكة. يجي يوم القيمة يعلن بعضهم بعضًا يستمموا  
بعض ويعلنوا بعض ويكرفوا بعض. هنا المستضعفين طول عمرهم ساكتين. بينفز وهو ساكت يتقال - [00:32:55](#)  
آآ اشتمن في النبي صلى الله عليه وسلم اشتمن. اشتمن في الصحابة اشتمن. اشتمن في الدعاء يشتمن. قل شبهاهات ياخذ فلوس يطلع يقول  
شبهاهات حاضر. اعمل كذا حاضر اعمل كذا حاضر. نيجي بقى المستضعفين يوم القيمة اخيرا بدأوا يتتكلموا. لكن امتنى؟ بعد ما فات  
الاوان. يقول الذين استضعفوا للذين ايه؟ استكروا - [00:33:15](#)

يعني ايه استكروا واستضعفوا؟ الالف والسين والتاء دي بنسماها الف والسين بيبقى والتاء بتاعة الایه؟ الطلب. استفهم كلمة استفهم  
اي طلب الفهم. الف وسين والتاء بيسماوها الف وسين والتاء الایه؟ الطلب. اطلب لكم حاجة تانية تشربوها - [00:33:35](#)  
الالف والسين والتاء للایه؟ للطلب. انما لو فيه طلبات والله ما تتأخرش عنها. الالف والسين والتاء للایه؟ للطلب. فكلمة استكبر طلب  
من نفسه ان يكون متكبرا. يعني هو حب انه بيقى متكبر. طيب المستكبر ده وهو بيتكبر - [00:33:55](#)

على نفسه ولا على الناس؟ على الناس. طب لو ما لقاش ناس بيتكبر عليهم هيتكبر؟ مش هيتكبر. يعني زي ما المسلح المشهور بيقول لن  
يستطيع احد ان على ظهرك الا اذا كنت ايه؟ الا اذا كنت منحنينا ما هو لاك موطي قال يا فرعون ايه اللي فرعون؟ قال ايه؟ قال ما  
لقتش حد يلمني. ما هو ده اللي بيحصل - [00:34:15](#)

مستكبر المستكبر ان هو طلب الكبر من الناس فاعطوه. قالوا له احنا موافقين انك انت تبقى متكبر. طب واستضعف استضعف دي  
مبني المجهود. يعني المستكرين طلبوا من الضعفاء ان يكونوا ضعفاء وضعفاء وفا. اقول له ماشي. احنا هنعمل نفسنا وما بنفهمش  
حاجة - [00:34:35](#)

احنا هنبقى غلابة. احنا مش هنقول لا. اللي هيتقاول هنقول له حاضر. هنمسي جوة الحيط. مش هنتكلم حاضر في حاجة. دول اللي هم

ايه؟ استضعفوا. طول منهم الاستضعف فرضوا بذلك. لذلك الاثنين عندهم عمي الوان. الاثنين عندهم عدم مقاييس صحيحة -

00:34:55

طبعا شايف نفسه حقير. شايف نفسه ضعيف. شايف نفسه عمره ما هيبي حاجة من غير المستكبر. شايف انه ما يعرفش يعيش غير في جناب المستكبر. هو شايف نفسه كده والمستكبر شايف نفسه اعلى من الناس. المستضعف شايف نفسه اقل من الناس -

00:35:15

والمستكبر شايف نفسه ايه؟ اعلى من الناس. القرآن بيصح هزه النظرة. المستكبر مريض والمستضعف برضه لذلك المستكبر لما لقمان كان بيتصح ابنه بيقول ولا تصرع خدك للناس ايه معنى كلمة تصرع؟ فيقولوا الصعر ده مرض بيصيب الابل بيخليلها تمشي عاملة رقبتها كده ما تعرفش -

00:35:35

تحودها تحت. يعني الابل تبقى ماشية كده رقبتها رافعة رقبتها لفوق ما تعرفش ده. ده مرض عند الابل. فالمتكبر اصلا انسان مريض اللي ما بيعرفش بيصل للناس ويراعي حقوقهم ده مريض. كذلك المستضعف انسان مريض يرى نفسه اقل من انه يقف ويقول الحقيقة -

00:36:05

حصل له نوع من نزع الانسانية ونزع العقل ونزع المشاعر ونزع الضمير خلاص مات كل ده جواه مات نشوف الجريمة ويستكت يشوف الزلم ويستكت. بيشوف وعارف ان دا زلم وقاعد ساكت تعايش. المستضعف أصبح انسان مريض -

00:36:25

اصبح بيتعايشه مع الظلم. أصبح انه يعدي ويشوف ولد ممكنا بيغلس على بنت. هو أصبح تعايش مع هذا الرجل. بيقول لك انا ما ليش دعوة أصبح يشوف ممكنا واحد بيسرق. هو أصبح فيه نوع من التعايش. المرض ده لما ينتشر في مجتمع ينهار. لأن في مستكبرين -

00:36:45

يستغلوا يقول لك اه الشعب ده كوييس الشعب ده ممكنا يتركب لانه بيستكت. زي ما قلنا ايه اللي فرعونه؟ ما لقاش حد يقول له لا. فالمستكبرين لما لقوا المستضعفين بيسمعوا الكلام فاستغلوهم. فالمستضعفين بدأوا يفوقوا فرایحين يعاتبوا المستكبرين. عشان كده كلمة المستضعف والمستكبر اتكررت هنا تلات مرات -

00:37:05

يقول الذين استضعفوا للذين استكروا هم معروفين مجموعة الضعفاء لموا بعض. وبدأوا يفوقوا وعملوا روبوتية. بس الكلام ده فين؟ الكلام ده النار ما عدش ينفع. ولا عاد له قيمة. الكلام ده كان ينفع في الدنيا. وراحوا للمستكبرين. قالوا لهم ايه؟ لولا انتم لكننا مؤمنين -

00:37:25

عايزين نقف مع الكلمة دي. اول كلمة لولا يعني ايه لولا؟ معلش هنقول حتة لغوية كده. يعني ايه لو لو حرف لو في اللغة بيسموه حرف امتناع الامتناع. يعني اقول لك مسلا ايه لو جيت لو كنت جيت كنت اكلتك -

00:37:45

فانت ما جتش فانا ايه ما اكلتكش. انت حتى لو كنت جيت انا ما كتتش اجلك بس انا بقول كم سنة يعني. لو كنت جيت كنت ايه؟ اكلتك. فيقولوا امتنع ان انا اكلتك عشان امتنع ان انت جيت. او مال لولا يعني ايه؟ يقولوا لولا حرف امتناع لوجود. لولا انت موجود -

00:38:05

كنت عملت كذا وكذا. كذا وكذا ده امتنع عشان ايه؟ عشان انت موجود عشان كده بيسموه حرف امتناع لايه؟ وجود. اي امتنع ايماننا بسبب وجودكم. تاني بيقي معنى الاية ايه؟ امتنع ايماننا بسبب ايه؟ مش بسبب صدكم عن الدين -

00:38:25

ولا بسبب فجركم ولا بسبب اموالكم بسبب ايه؟ مجرد وجوده كان مخوفه. بيقولوا لولا ايه؟ انت مش لولا لسه هيرجع بعد كده لما المستكمل يرد عليه هيرجع يقول له برمكه ليل ونهار. انما في الاول بيقولوا لولا ايه؟ من شدة رهبة للمستكبرين مجرد وجوده كان -

00:38:45

دي الكلمة انت. امال لولا بقى كل واحد فيينا بيقول لولا دي في حاجة. تيجي تكلمه عن الدين لولا الشغل كان زمانى والله بعمل كذا.

00:39:05

اتكلموا عن القيام. اتكلموا عن الانفاق. لولا العيال لولا الفتنة لولا الازمة. لولا المش عارف ايه. كل واحد - بعد الكلمة لولا دي بيحطوا حاجة تخصه. شماعة. وكلمة مؤمنين بيحطوا بقى. لولا كذا لكننا من الدعاء. لولا كذا لكننا من العاملين

للله. لولا كذا لكتنا من القانونين ليه؟ كل واحد لولا دي لازم تتكسر. ما تبقاش في حياة المؤمن. لولا دي - 00:39:25  
لازم يشيلها من حساباته. خاصة لو بشر ما حدش آآيدعي ان في حد يوقفه عن حاجة. يقال الامام السرخسي كتب كتاب من من اقوى  
كتب فقه الاحناف انه سقط في بثـر او حبس في بـثـر فالـفـكـتـابـ من خـمـسـتـاـشـرـ مجلـدـ وـهـوـ فيـ البـثـرـ - 00:39:45

مما منعوش حبسه في بـثـرـ على انه يـأـلـفـ يؤـلـفـ كتابـ من اـفـضـلـ الكـتـبـ فيـ فـقـهـ الـاحـلـامـ. وـغـيـرـهـ الـامـامـ اـبـنـ الـقـيـمـ كـتـبـ المـعـادـ وـهـوـ فيـ  
رـحـلـةـ الىـ الحـجـ. وـابـنـ تـيمـيـةـ كـتـبـ فيـ السـجـنـ منـ اـفـضـلـ ماـ كـتـبـ حاجـاتـ فيـ فـهـمـ كـتـابـ اللهـ عـزـ وـجـلـ. ماـ تـخـلـيـشـ الزـرـوفـ - 00:40:05  
مانـعـةـ منـ البـذـلـ وـالـعـطـاءـ. ماـ فيـشـ حاجـةـ اـسـمـهاـ اـصـلـ الزـرـوفـ. اـصـلـ هـمـ الـلـيـ قـالـواـ ماـ يـنـفـعـشـ. اـصـلـ ماـ فيـشـ حاجـةـ اـسـمـهاـ اـصـلـ الزـرـوفـ.  
دهـ مشـ عـذـرـ مـمـكـنـ تـغـيـرـ الوـسـيـلـةـ لـمـاـ منـعـهـ النـبـيـ صـلـىـ اللـهـ عـلـيـهـ وـسـلـمـ فيـ مـكـةـ وـرـاحـ لـلـمـدـيـنـةـ ماـ قـالـشـ خـلاـصـ بـقـىـ اـحـنـاـ جـرـبـنـاـ وـرـحـنـاـ  
الـحـبـشـةـ وـرـحـنـاـ الطـائـفـ خـلاـصـ اـحـنـاـ عـمـلـنـاـ الـلـيـ عـلـيـنـاـ لـاـ ماـ فيـشـ كـدـهـ تـفـضـلـ تـجـربـ وـلـوـ - 00:40:25

المـدـيـنـةـ ماـ كـانـتـشـ نـفـعـتـ كـانـ يـجـربـ فيـ غـيرـهـ وـغـيرـهـ. الـىـ انـ يـمـوتـ. كـمـ اـخـبـرـ النـبـيـ صـلـىـ اللـهـ عـلـيـهـ وـسـلـمـ حـتـىـ تـنـفـرـدـ هـذـهـ  
الـسـالـفـةـ. لـغـاـيـةـ لـمـاـ اـمـوـتـ حـتـىـ لـوـ اـنـقـطـعـ رـقـبـتـيـ هـفـضـلـ ماـشـيـ - 00:40:45

فيـ هـذـاـ طـرـيـقـ فـمـاـ فيـشـ حاجـةـ اـسـمـهاـ لـوـلـاـ. لـوـلـاـ اـصـلـ الـبـيـتـ منـعـنـيـ وـرـاءـ كـلـ مـلـتـزـمـ فيـ قـصـةـ كـفـاحـ. وـرـاءـ كـلـ مـلـتـزـمـ فيـ قـصـةـ وـرـاءـ كـلـ  
دـاعـيـةـ فيـ قـصـةـ كـفـايـةـ. اـحـنـاـ بـنـشـوـفـ النـهـاـيـةـ وـنـقـولـ عـاـيـزـيـنـ زـيـهاـ. زـيـ مـنـزـرـ الشـهـيـدـ الـلـيـ بـيـمـوـتـ مـبـتـسـمـ. يـقـولـ اـهـ اـحـنـاـ عـاـيـزـيـنـ  
الـلـقـطـةـ الـاـخـيـرـةـ دـيـ. اـنـاـ عـاـيـزـ اـعـمـلـ - 00:40:55

كـدـهـ وـاـيـهـ وـيـصـورـونـيـ وـيـكـتـبـوـاـ عـلـىـ صـفـحـتـيـ عـلـىـ الـفـيـسـ قـبـلـ اـنـهـ قـبـلـ ماـ يـمـوتـ كـتـبـ لـاـ اللـهـ مـسـلـاـ اـنـاـ عـاـيـزـ الـاـيـهـ؟~ عـاـيـزـ النـهـاـيـةـ. طـبـ  
وـالـطـرـيـقـ لـقـدـ كـنـتـمـ تـمـتـمـنـ الـمـوـتـ مـنـ قـبـلـ اـنـ تـلـقـوـهـ. اـنـتـ دـايـماـ عـنـدـكـ تـصـورـاتـ عـنـ الـحـاجـةـ مـشـ عـاـيـزـ تـبـذـلـ لـهـ. عـنـدـكـ تـصـورـ النـهـاـيـهـ. لـوـ - 00:41:15

انتـ اـنـتـ تـشـيلـ لـوـلـاـ دـيـ تـبـذـلـ حـتـىـ تـلـقـىـ اللـهـ عـزـ وـجـلـ. لـوـلـاـ اـنـتـمـ لـكـنـاـ مـؤـمـنـيـنـ. الـمـسـتـكـبـرـيـنـ مـشـ هـيـسـكـتوـاـ. هـمـ دـافـيـنـهـمـ سـوـاـ وـفـاهـمـيـنـ  
كـوـيـسـ اـنـ الـمـسـتـضـعـفـيـنـ كـانـوـاـ بـيـقـبـضـوـاـ. وـكـانـوـاـ مـبـسـوـطـيـنـ مـنـ الـوـضـعـ. وـكـانـ فـيـ غـيرـهـمـ تـانـيـ وـقـفـ وـقـالـ كـلـمـةـ الـحـقـ. اـنـتـ اـشـمـعـنـىـ اـنـتـ - 00:41:35

يعـنـيـ فـالـمـسـتـكـبـرـيـنـ الدـنـيـاـ بـقـىـ اـتـفـضـحـتـ فـبـيـرـدـوـ. قـالـ الـذـيـ اـسـتـكـبـرـوـاـ الـذـيـ اـسـتـضـعـفـوـاـ. اـنـحـنـ صـدـنـاـكـمـ عنـ الـهـدـىـ. اـحـنـاـ بـرـضـوـ  
صـادـنـاـكـمـ وـعـنـ الـهـدـىـ بـعـدـ اـذـ جـاءـكـمـ بـلـ كـنـتـمـ مـجـرـمـيـنـ. اـنـتـ الـلـيـ كـنـتـمـ غـاوـيـيـنـ فـسـقـ. اـحـنـاـ كـاـنـ فـسـقـةـ وـاـنـتـمـ كـنـتـمـ عـاـيـزـيـنـ فـسـقـ فـجـيـتـوـاـ  
معـنـاـ - 00:41:55

احـنـاـ دـعـونـاـكـمـ لـلـفـسـقـ طـبـ ماـ كـانـ فـيـهـ دـعـاءـ تـانـيـ لـلـاـيـمـاـنـ ماـ رـحـتوـشـ معـهـ لـيـهـ؟~ كـانـ فـيـهـ غـيرـهـمـ هـتـقـولـ لـيـ اـصـلـ اـنـتـمـ كـنـتـمـ بـتـعـزـبـوـنـاـ  
طبـ ماـ اـحـنـاـ كـنـاـ بـنـعـزـبـ نـاسـ تـانـيـةـ - 00:42:15

وـتـبـتوـاـ عـلـىـ الـحـقـ. النـاسـ هـتـبـقـىـ حـجـةـ عـلـىـ بـعـضـهاـ يـوـمـ الـقـيـامـةـ. هـنـبـقـىـ حـجـجـ عـلـىـ بـعـضـ. هـتـقـولـ اـنـاـ مـاـ قـدـرـتـشـ رـبـنـاـ هـيـجـيـبـ وـاـحـدـ  
ظـرـوفـهـ زـيـ ظـرـوفـكـ. بـلـ اـقـلـ وـقـدـ هـيـبـقـىـ حـجـةـ عـلـيـكـ. اـحـنـاـ هـنـبـقـىـ حـجـجـ عـلـىـ بـعـضـ يـوـمـ الـقـيـامـةـ. فـالـمـسـتـكـبـرـيـنـ بـيـقـلـوـلـاـ لـلـمـسـتـضـعـفـيـنـ.  
انـحـنـ صـدـدـيـنـ - 00:42:25

ماـكـ عـاـمـلـ اـيـهـ عـنـ الـهـدـىـ. الـكـلـمـةـ دـيـ تـعـرـفـكـ انـ الـمـسـتـكـبـرـ والـلـيـ مـعـهـ فـلـوـسـ عـارـفـ انـ لـوـ الـهـدـىـ جـهـ وـالـلـهـ لـوـ عـمـلـ اـيـهـ؟~ لـوـ الـهـدـىـ دـهـ دـخـلـ  
الـقـلـبـ لـوـ جـابـ لـهـ صـرـفـ قـنـوـاتـ وـعـلـمـ مـوـاقـعـ وـصـرـفـ مـالـ الـأـرـضـ عـشـانـ يـصـرـفـ النـاسـ عـنـ الـدـيـنـ. وـالـلـهـ لـنـ يـفـعـلـ. لـذـكـ هـرـقـلـ لـمـاـ - 00:42:45

كانـ بـيـسـأـلـ اـبـوـ سـفـيـانـ بـيـقـولـ لـهـ اـتـبـاعـهـ اـتـبـاعـ النـبـيـ صـلـىـ اللـهـ عـلـيـهـ وـسـلـمـ دـولـ فـقـراءـ اـمـ الـأـغـنـيـاءـ؟~ قـالـ لـهـ بـيـزـيـدـوـاـ وـلـاـ  
بـيـنـقـصـوـاـ؟~ قـالـ لـهـ بـيـزـيـدـوـاـ. قـالـ لـهـ هـلـ يـرـتـدـ هـلـ يـرـتـدـ اـحـدـ مـنـهـ - 00:43:05

عـنـ دـيـنـهـ. حـدـ بـعـدـ مـاـ بـيـمـشـيـ مـعـهـ وـبـيـصـلـيـ قـيـامـ وـبـيـمـارـسـ الـدـعـوـةـ. بـيـرـجـعـ يـقـولـ الـدـيـنـ دـهـ وـحـشـ!~ قـالـ لـاـ مـاـ فيـشـ حـدـ اـبـداـ مـشـيـ مـعـهـ  
فـتـرـةـ وـرـجـعـ فـقـالـ هـرـقـلـ كـذـلـكـ الـاـيـمـاـنـ اـذـ خـالـطـ بـشـاشـتـهـ القـلـوبـ فـالـمـسـتـكـبـرـيـنـ فـاهـمـيـنـ حـقـيـقـةـ الـاـيـمـاـنـ بـيـقـولـ لـلـمـصـطـلـحـ - 00:43:15  
انتـ كـزـابـ اـحـنـ صـوـتـنـاـكـمـ عـنـ الـهـدـىـ بـعـدـ اـيـهـ؟~ بـعـدـ اـذـ جـاءـكـمـ. بـيـقـىـ الـمـسـتـكـبـرـ طـورـوـاـ انـ الـهـدـىـ مـاـ يـوـصـلـشـ الـهـدـىـ لـوـ وـصـلـ الـمـسـجـلـ

عارف انه ما حدش يعرف يعمل حاجة. خد بالك هنا بتعرفك خطط اهل الباطل. دور اهل الباطل في حاجتين. عدم وصول الهدى للناس وعدم وصول الناس للهدى - 00:43:35

عدم وصول الهدى الى الناس يمنع الدعاية يحبسه يقتله واديمكر بك الذين كفروا. ربنا بيقول للنبي صلى الله عليه وسلم الكفار عايزين يعملوا حاجة من تلاتة. واديمكر بك الذين كفروا ليثبتوك او يقتلوك او يخرجوك. يثبتوك يعني يسجلك. يثبتوك عايزين - 00:43:58

اختيارات لاهل الباطل مع الدعاة العاملين لدين الله. اما السجن او القتل او النفي. هم تلات حاجات. فدور اهل الباطل عدم الهدى للناس. وعدم وصول الناس للهدى. طب عدم وصول الهدى للناس قلنا هي عمل التلات حاجات دول مع الداعية. طب عدم وصول الناس للهدى هم - 00:44:18

ما يقدرش يعمل كده مع الناس كلها؟ ما يقدرش جماهير البشر ما يقدرش يسجنهم او يطردهم ولا يعيش لوحده في البلد ما يقدرش امال يعمل لهم ايه؟ يعمل لهم الشهوات - 00:44:38

هي دي مكر وليل والنهار. فتن بقى ان هو لا تسمعوا لهذا القرآن ايه؟ والغوا فيه. والغوا فيه يعني شغلوا اغاني ساعة لما ييجي يقرأ القرآن شغلوا انتم اغاني. ده اخر اهل الباطل. انما انت وصلت للهدى او الهدى وصل لك هو ما حدش يعرف يعمل حاجة. احد معاني قول الله عز وجل - 00:44:48

ولن يجعل الله للكافرين على المؤمنين سبيلا اي على قلوبهم. ما حدش يعرف لو الايمان دخل قلبك ما حدش يعرف ينزعه ابدا. القلوب بين اصبعين من اصابع الرحمن. فالكافار فاهمين كده. بيقولوا المستضعفين الهدى وصل لكم. بدليل ان كان فيه ناس - 00:45:08

جنبك امنت. وثبتوا انحن صادقناكم عن الهدى بعد ايه؟ دي كلمة دي المهمة بتاعة كلمة بعد اذ جاءكم يبقى كان بيقول له انا دورى ان انا كنت اصد ان الهدى يجي لك. لكن الهدى وصل لك. انت اللي اخترتني وسبت اهل الحق. انحن صدتناكم - 00:45:28  
عن الهدى بعد جاءكم بل كنتم مجرمين. انتم اللي كنتم غاويين زي ما قلنا بالزبط الشيطان هيقول نفس الكلمة لهم برضه. لأنهم هيتجمعوا مع بعض ويروحوا للمستكبرين تكبيرين يسيبوهم يجمعوا بعض ويروحوا للشيطان فالشيطان يقوم يخطب فيهم خطبة وقال الشيطان لما قضي الامر ان الله وعدكم وعد الحق ووعدكم فاخلفتكم - 00:45:48

وما كان لي عليكم من سلطان الا ان دعوكم. وقلنا جت في الصورة لقد صدق عليهم ابليس ظنه فاتبعوه. يبقى ربنا بيقول وما كان له عليهم من سلطان. اذا لنعلم من يؤمن بالآخرة. ربنا بيقول جاب هنا الشيطان انه ما كانش له سلطان عليهم. وجاب المستكبرين - 00:46:08

انه برضه ما كنش لهم سلطان ان دي مش عذر. اللي هيتعذر بالشيطان او بالمستكبرين لن يقبل منه يوم القيمة. اللي هيتعذر بالشيطان او بالمستكبر لن يقبل منه يوم القيمة. المستكبرين هيهرروا منه انحن صليناكم على الهدى بعد ان جاكم بل كنتم ايه - 00:46:28

مجرمين فاغوناكم انا كنا غاويين. احنا كنا غاويين وانتم كنتم غاويين فلتقيينا مع بعض. احنا بس التقسيمة ان احنا اللي كان يعني احنا اللي كان معنا فلوس وانتم اللي كنتم ضعفاء. وكل واحد بيبيتلى على قدر دينه. وكل واحد بيبيتلى آآ على حسب وضع معين. كل واحد هييشيل تبعة - 00:46:48

اختياره يوم القيمة. المستضعفين هيردوا ايه؟ فقال هيفرضوا بقى. المستضعفين بقى هيطلعوا طالما المستكبرين بدأوا يفضحوهم. وقالوا لهم ان انتم كنتم مجرمين انتم كمان. بدأت باقي الفضائح تظهر. بدأ بقى المستضعفين يقولوا الاسرار اللي كانت بتحصل. لأن المستضعفين دول كانوا في داخل القصر - 00:47:08

زي اللي كانوا مع فرعون كده في الداخل كانوا عارفين الخطط اللي بتحصل للمصوفين دول كانوا بيأخذوا فلوس عشان يسكنوا. او يضرموا عشان يسكنوا. فالمستضعفين لما لقوا ان المستكبرين فضحوا قالوا طب احنا كمان هنقول. بل مكر الليل والنهار. انتم كنتم

بتخططوا ليل نهار عشان تصرفوا المسلمين عن الدين. انتم صرفتم اموال - 00:47:28

على موقع تصرف الناس سواء شهوات او شبها. على قنوات شهوات وشبها. على نشر في الواقع شهوات وشبها. انتم بذلكوا مجهود ما كتوش بتناشو اللي ما بینامش يا جماعة مش الصغيرين اللي اللي ما بینامش مين ؟ الكبار المستكبرين الكبار يعني قادة اهل الباطل - 00:47:48

ما بیناموش ! طب امال احنا ما بنشتغلش ايدين ربنا ليه ؟ اذا كان المستكبرين اللي هم القادة مش مريحين يعني احنا مسلا عندنا في الشغل الدنيوي واقتاصادا في مصر انت عايز تترقى عشان كل ما تترقى كل ما هتريح كل ما يبقى لك مكتب كل ما تقدر براحتك كل ما هتقعد - 00:48:08

العب على النت براحتك ما حدش هيكلمك. يعني كل ما تترقى في الشغل كل ما ايه ؟ هتأنفع. الباطل اهل باطل كل ما بيتربقوا كل ما ايه ؟ كل ما بيبزل اكتر كل ما بيبزل الشيطان طلب انه يؤخر الى يوم القيمة. هيفضل يشتغل الى يوم القيمة مش شوية - 00:48:28  
ويموت وخلاص ويستريح لأ هو مش هيستريح كده ولا كده. فضل قال انظرني الى يوم يبعثون. مش عايز ولا واحد يفوت وشوف علو الهمة اشتغل مع الواحد من امتى ؟ من سن كام ؟ من امتى ؟ من اول ما بيتوحد ما من مولود يولد الا وينخصه الشيطان فيستعد - 00:48:48

الا ابن مريم وامه استجابة لدعاء امها. واني اعذها بك وذريتها من الشيطان الرجيم. يعني عايز كل الناس كل الاعمار تخيل الشيطان شف الافق والرأسي تمدد الشغل بتاعه. فاهل الباطل كل ما بيتربقى كل ما بيبزل - 00:49:08  
فالمستضعفين بيقولوا ان اللي فوقهم ده انتم كتنتم شغالين ليل نهار ما بیناموش. بل مكر ايه ؟ الليل والنهر الغرض الرئيسي ملخص المستضعفين جابوا الخلاصة. لأن دول كانوا شغالين جوة معهم. الخلاصة انتم عايزين الناس تكفر بربنا وتجعل له اندادا. يا اما يكفر - 00:49:28

بما يجعل له امان. ان هم دايما بيضربوا في التوحيد. زي ما تجي لنا كده اول لما اسلموا قالوا اه الشيطان كان بيقدر معنا جلسات يدينا دروس في العقيدة العقيدة الباطلة وانه كان يقول سفيهنا على الله شططا. الشيطان لما بيجي بيركز احنا اتكلمنا قبل كده فلو ليه تفتح - 00:49:48

عمل الشيطان. الشيطان مركز عارف امتى يجي لك. لو دي فيها نوع من الاعتراض على القدر قدر الله سبحانه وتعالى. اي اعتراض على القدر او على الشرع تلاقي الشيطان متواجد - 00:50:08

الشيطان عارف بيشتغل ازا وفين وبيدخل المرأة اذا خرجت استشرفها الشيطان. على طول عارف امتى يتحرك وامته يشتغل. قاعد في الاسواق يرفع رايتها عارف امتى بيتحرك. فملخص شغل اهل الباطل اذ تأمرتونا ان نكفر بالله ونجعل له اندادا. ده ملخص - 00:50:18

لدرجة انه ممكن يعمل للاطفال وازن الموضوع ده انتشر في قناة آآ اسمها ايه بتاعة الاطفال دي ؟ ام بي سي دي باین ولا اسمها ايه ؟  
ايه كانوا عاملين كرتونة. شخصية تسعه وتسعين شخصية! كل شخصية فيهم باسم - 00:50:38

العياذ بالله من اسماء الله بيضاهون الله. يعني عاملين واحد اسمه الجبار وواحد اسمه القهار وواحد اسمه الرزاق. تخيل تسعه وتسعين. شخصية كل شخصيات ولا يعني يضاهون الله عز وجل سبحان الله! واحدة اسم من الاسماء. تخيل لما الطفل وغيرها اغلب - 00:50:58

الكريatin تصحي الجمع يعني ؟ اغلب الكريatin دي بيقول لك الله الريح واله عايز طفل ما يبقاش متعلق بالله يبقى مشتت ونجعل له ايه ده الواحد يقول لك يا عم ده طفل. مين اللي قال لك ان ده مش هيأثر فيه ؟ بالعكس الطفل يطلع متشتت مش له وجهة واحدة. مش مش سلاما لرجل - 00:51:18

لا بيطلع فيقول لك الهي مش عارف مسئول ايه ؟ ومسئول ايه ؟ ومسئول ايه ؟ فيطلع الطفل بيشهوهه عقيدة الطفل.  
بيشتغل على كل الاعمار والغرض الرئيسي في الآخر هو مرحل عائز يصل بك للإيه ؟ للكفر. احنا قلنا علو همة الشيطان. طلب انه

يؤجل الى يوم القيمة عشان ما فيش ولا واحد يفوتـه - 00:51:38

اشتغل كل الاعمار من اول الولادة لغاية الآخر. بيشتغل على كل المستويات. يعني يعمل حاجات لسن الخمسين والستين. يصرفهم عن قراءة القرآن. اعمل حاجات للاطفال. يعمل حاجات للمرأهقين. يعمل حاجات للولاد. يعمل حاجات خاصة للبنات. تجد انهم مكر الليل والنهر. بقى فيه تخصص - 00:51:58

في صرف الناس عن الحق. كل ده يصرفك عن الوحي. فقالوا اول الایات دي وقال الذين كفروا لن نؤمن ايه؟ بهذا القرآن لما اهل الباطل قالوا لن نؤمن بهذا ودي بقى الفرق بينا وبينهم. لما اهل الباطل قالوا لن نؤمن بهذا القرآن ما قالوهاش وايه وراحوا ناموا. لأنّ قالوها وعملوا ايه - 00:52:18

واشتغلوا صرفوا الناس عن القرآن. فاهمين قصدي؟ يعني المستكبرين لما قالوا لن نؤمن بهذا القرآن ما قالوهاش وبعدين راحوا ناموا وقالوا خلاص لو هم الناس بقى عايزة مش عايزة تؤمن زينا خلاص ما يؤمنوش احنا بنبلغ وخلاص. احنا بقى بنطلع نقول القرآن عظيم وبعدين نروح ايه - 00:52:38

تعالوا نروح من هنا ما نشتغلش الليل والنهر. هم بيقولوا لان هم اللي بهذا القرآن وبعدين يشتغلوا ايه؟ مكر الليل والنهر. ده الفرق ده الفرق بيننا وبينهم. ان هم بيبذلوا - 00:52:58

قولوا اهل الباطل المفروض احنا نشتغل ربنا بيقول ان تكونوا تالمون فانهم ايه؟ يالمون كما تالمون. يعني هم بيتعبو؟ اه بيتعبو. ما بيناموش؟ اه ما بيناموش بيتصدقوا للشيطان اه بيصرفوا فلوس. بيتأخد من مرتباتهم اجزاء سابتة لنشر الباطل؟ ايوا نعم. وما بيتعرضش؟ اه ما - 00:53:08

بيقى هو بيتعب واحنا نيجي عند اقل حاجة آآ لكن ربنا بيقول انتم ترجون من الله ما لا يرجون انت المفروض عندك نوايا عندك اللي يصبرك هو ما عندوش هو يموت يخش النار. وترجون من الله ما لا يرجون. الختام واسروا الندامة لما رأوا العذاب. اصروا - 00:53:28

دامت لما رأوا العذاب ان وهم واقفين الكل بقى لما ظهرت الحقيقة كله بدأ آيندم يقول يا ريتني ما كنت المستضعف يا ريتني ما كنت سمعت كلامه. يا ريتني ما كنت صدقته. يا ريتني ما كنت مشيت وراه. يا ريتني كنت مشيت ورا صاحبي اللي قال لي تعال للحق. تعال كذا. ما تسمعش كذا. يا ريتني - 00:53:48

ويبدأ التناوب واسر الندامة. وقيل ان اسار الندامة هنا المستكبرين لآخر لحظة عايزة يظهر التماسك امام الضعفاء. انه مخيي ندامة هنا اصروا الندامة ان دي مرحلة وبعدين هتجي مرحلة يظهر هزه الندامة. وقيل اصروا الندامة الى انه مش قادر يتكلم. فقاعد عارف - 00:54:08

جاله انهيار عصبي وقاعد جوة مصدوم هو في هزه المرحلة. فالقرآن بيغلغل في نفوس اهل الباطل وبيكلمك عما يحدث فينا نفوسهم يوم القيمة. القرآن هنا بيكلمك تغلغل عما يحدث داخل النفوس. واسروا اندامة. امته اصروا الندامة؟ لما رأوا العذاب - 00:54:28

خلاص ما عدش بقى لا الكلام هينفع ولا النقاشات هتنفع ولا اللعنة ينفع ولا الخناقات هتنفع. في اعناق الذين كفروا زي ما المستضعفين كانوا اغلوا عقولهم في الدنيا كان قافل دماغه هيغل يقول له الاغلال دي السلالسل اللي تسحب بها الانعام - 00:54:48 زي ما كان سايب نفسه يتسحب في الدنيا ما بيفكرش ما بيسألش. هو اللي عمل مش في تناقض في كلام الرجال. مش كذا مش كذا. ازاى انت لما الواحد بيجي يقرأ الخرافات اللي كان بيقولها مسيلمة على انها قرآن مسيلمة الكذاب وبيدعوي ان هي وهي. اي - 00:55:08

اي عيل صغير يسمع الكلام ده يقعد يضحك. مش عارف! الفيل ما ادراك ما الفيل خرطومه طويل ومش عارف ايه او الوبر. والعرب اهل لغة ازاي مسيلمة كان له اتباع؟ يعني ازاي انت برضو لما شوف يعني بعض حتى اللي ما عندهمش حتى بلاغة في - 00:55:28

الخطاب وازاي لو مدحت هتتعجب! ازاي! فيه شخص زي ده له اتباع! فهو قفل دماغه وخلاص! هو عمل هو قفل دماغه فربنا  
يبيقول زي ما انت قفلت دماغك وبقيت تسحب كنت تسحب في الدنيا ولا تفكرا انت الان تسحب والعياذ بالله انت تنزلت - 00:55:48  
عن مرتبة الانسانية في الدنيا فتستحق ان تعاقب بالagalal اللي هي بتاعة الانعام والعياذ بالله في الآخرة. وجعلنا الالحال في اعناق  
الذين كفروا ما حدش بيظلم هل يجزون الا ما كانوا يعملون نكتفي بهذا القدر ونكملا ان شاء الله المرة الجاية ان اه سنة  
المترفين - 00:56:08

دول اكتر ناس بيحاربوا الدعوة وله دور اكتر ناس بيحاربوا الدعوة وايه افكارهم؟ اه المرة الجاية بس ان شاء الله السبت القادم  
هيبقى العيد كل عام وانتم بخير هيبقى السبت اللي بعده ان شاء الله. سايبة من المغرب للعشاء. يعني هنرجع تاني من المغرب للعشاء.  
السبت القادم هيبقى العيد ان شاء الله. هيبقى السبت اللي بعده. لو عايزين في العيد - 00:56:28  
ما فيش مشكلة؟ حد يجيب لنا خروف ولا حاجة؟ اه. انما ان شاء الله السبت اللي بعد القادر من المغرب للعشاء. نكتفي بهذا القدر.  
سبحانك الله وبحمدك جزاكم الله خيرا - 00:56:48 - 00:57:08